

玉月相  
管波法  
照洞十  
神中六  
局記篇



相法十六篇

許負著

中華書局

許負相法十六篇序

今之游夫術子以宅墓祿命雖  
相三事較道吉凶卑榮王侯百  
官主門日無虛者聽其言也則  
竢之昭之明根曲棲著銖毫無  
爽矣而卒皆無驗要之三事唯

形相人各判殊可以案察推取  
神斯理者當揚目而洞覩此  
闕朝永樂間盛稱柳莊袁生百  
每一諭而其精奧竟鮮有傳之  
者余家有古刻相法十六篇廻  
高陽許負所撰且云許負者昌

漢文帝令相鄧通者也。鄧通傳  
不載負名而相通之訣，則著於  
負篇矣。余誦其文，雖多後世增  
色，而古朴簡要，非漢代莫有也。  
嘗取一二，私自鏡別，則往往害  
中可憐已。雜譚庠述後世，每以

持其領肩乃別錄之儒山潭上  
善有歸之者則舉以贈也

五嶽山人黃省曾撰

相法十六篇目錄

相目篇第一

相鼻篇第二

相人中篇第三

相耳篇第四

相唇篇第五

相口篇第六

相齒篇第七

相舌篇第八

相胷篇第九

相腹篇第十

相手篇第十一

相脚篇第十二

相陰篇第十三

相屎尿篇第十四

相行篇第十五

聽聲篇第十六

相法十六篇目錄終

相法十六篇

漢 高 陽 許 負 著

明 周 夏 靖 校 柊

相目篇第一

目秀而長必近君王龍睛鳳目必食重祿目如  
卧弓必是奸雄鬪鷄蜂目惡死孤獨目光如電  
貴不可言目尾朝天福祿綿綿女目四白外夫  
入宅目色通黃慈憫中良黑白分明必主朝京  
若是女子的主廉貞目白長細貧寒無計目中

赤砂起法死須妨已女人目下赤色必憂產厄  
目下一字平所作皆分明日下亂理文室家多  
子孫目下有卧蠶足女還少男目下光漫亂奸  
淫須少喚右目小女畏夫左目小男畏婦隨其  
男女小心不虛目長一寸五分刀筆五分凌雲

相鼻篇第二

鼻準洪直富貴無極鼻狹高危兄弟微羸鼻梁  
不直欺詐未息鼻毛出外誹謗凶害鼻上黑子  
疾在陰裏鼻有縱理主養他子鼻上橫理憂危

不已若是胡人富貴如市鼻柱不平委的他姓  
鼻柱薄立志弱鼻如縮囊至老吉昌鼻如獅子  
聰明達士鼻高而昂仕宦欣昌鼻上光澤富貴  
盈宅鼻如截筒富貴興隆鼻起中央車馬敗傷  
鼻頭短小意志淺小鼻相廣長必多伎倆鼻直  
而厚天子諸侯鼻如缺破孤獨饑餓

相人中篇第三

人中平長至老吉昌兼有年壽更益兒郎人中  
短促子孫不足人中高厚壽年不久人中廣平

養子不成雖卽生產長聞哭聲人中廣厚奸淫  
未足人中兩黑的生可嫌人中深長子孫滿堂  
人中漫漫無子可憐

相耳篇第四

耳高於目合愛他祿作爲人師也高如眉一寸永不  
踐貧困耳高輪郭亦主安樂耳有刀環五高等高  
官耳門垂厚富貴長久耳門容筋家貧易去耳  
有毫毛長壽富貴兼沒災殃毛若日能自見者吉耳如獸  
耳自安自止耳門寬大聰明財足耳門薄小命

短食少耳白於面名滿赤縣

相唇篇第五

下唇過上唇妨夫的有真上唇過下唇法多虛  
假人唇紫色足衣食唇常赤爲貴客上唇厚命  
非久下唇長主貪食唇上下相當語音易善好  
集文章女唇紫夫早死兼妨首子唇赤如丹不  
要師看唇上下不相覆常懷盜竊終身不富唇  
多文理兒多無比

相口篇第六

口如角弓位至三公口如含丹不受饑寒一則  
主富一則主官口如撮聚供奉人後虛用心情  
人賤如狗口如縮囊饑死無望縱然有子恠主  
別房口如吹火饑寒獨坐口如縮螺常樂獨謌  
龍唇鳳口不可爲友好說不真常懷龐醜口如  
赤丹不入殷蘭若是女子亦得夫憐口闊舌薄  
必好歌樂如此之人永無凶惡縱理人口饑死  
不久口邊紫色貪財妨害口開齒出當失筭數  
必不久長少卽身故口中有理長相對益豐財

足祿終無妨害口未語將唇起奸邪在心常懷不足口如馬口嫉害貪醜口中黑子貪噉皆美

相齒篇第七

齒白如玉自然調樂財食自至不用若作齒如斬銀必是貴人齒如石榴富貴他求齒如龍齒法生貴子齒齦竅出每事漏失齒縫疎稀財食無餘如此之人與鬼同居齒數三十六貴聖有天祿若三十向上富貴豪望足滿三十衣食自如齒色黑多妨剋三十已下漸多饑寒衣食必

少壽命短促

相舌篇第八

舌小窄方法主公王舌上長理三公可擬舌小  
多文理安樂常不已舌至鼻頭必得封侯舌長  
而薄萬事虛耗舌大口小言不了了舌小口大  
言語捷快舌過麗大主多饑餓舌小而短法主  
貧賤舌上黑紫必無終始口語未出其舌先見  
好語他事必自改變舌上綉文奴馬成群財帛  
千萬富貴凌雲舌有支  
貴必超昇

相胷篇第九

胷狹而長不可求望。胷廣而長主得公王。胷短於面法主鄙賤。胷上黑紫爲兵萬里。胷獨高起貧賤不已。胷若覆身富貴名真。胷不平均未足爲人。胷均平滿豪撻天畔。胷有毫毛必主富貴。豪十毫已下三毫已上必主長命。若多毛生者亦主貧賤。精長高出卽爲第一也。胷廣而方長智榮昌。

相腹篇第十

腹小而下大富長者。腹大垂下名遍天下。腹如